



COMUNE DE MONTELEONE PROVÌNTZIA DE TÀTARI

Deliberatzione de su Consìgiu Comunale

Nùmeru 32 de su 30/11/2020 _____

Ogetu: Variatzione a su bilàntziu de previsione – cumpetèntzia de sa Giunta in bia de urgèntzia (art. 175, c. 4 TUEL) Ratìfica D.G. 44 de su 25.11.2020

S'annu duamìgia binti, sa die trinta de su mese de santandria, in sa sala de sas Adunàntzias, a sas **19:00**, in setziada Ordinària, Pùblica, in Prima Cunvocatzione, fata chi siat s'osservàntzia de sas formalidades prescrites, s'est reunidu su Consìgiu Comunale.

Fatu s'apellu resurtant:

MASALA ANTONELLO	P	MURRU STEFANO	A
SOTGIA DANIELA	P	FRESI GIOVANNI STEFANO	A
GONNELLA SILVIA	P	AGNONE GUIDO	A
NORIA BASTIANA	P	SECHI DOMENICA	P
PIRAS PIETRO	P	DETTORI STEFANO	P
MANAI GIOVANNI BATTISTA	A		

Presentes n. 7 Ausentes n. 4

Partètzipat a sa setziada su **SEGRETÀRIU** Comunale **SONNU SILVIA**, cun funtziones consultivas, referentes, de assistèntzia e verbalizatzione.

Su Sìndigu **ANTONELLO MASALA** in sa calidade sua de Presidente, averiguadu su nùmeru legale de sos interbènnidos, de crarat aberta sa setziada e invitat sos Consigeris a

Variatzione a su bilàntziu de previsionione – cumpetèntzia de sa Giunta in bia de urgèntzia (art. 175, c. 4 TUEL) – Ratìfica delìbera G.C. n. 44 de su 25.11.2020

SU CONSÌGIU COMUNALE

In abertura de setziada si dat atu chi sa matessi benit acumprida a manera partziale in vèdeu-cunferèntzia essende sos seg. Piras Pietro e Dettori Stefano (Consigeris), cullegados in modalidade videu-cunferèntzia in cantu impossibilidades a interbènnere pro more de s'emergèntzia, e chi sa setziada benit acumprida cun sas protzeduras istabilidas cun su Decretu de su Sìndigu n. 5 de su 05.11.2020;

Premìtidu chi

- In cunforma a s'artìculu 175 comma 3 de su decretu legislativu 18 de austu de su 2000 n. 267 (TUEL), gasi comente novitziadu dae su decretu legislativu n. 118/2011 in matèria de armonizatzione contàbile, sas variatziones de bilàntziu podent èssere deliberadas intro e non prus a dae de su 30 de santandria de ogni annu, francu sos casos particulares prevididos dae su matessi comma;
- Sas cumpetèntzias de su Consìgiu e de sa Giunta comunale in matèria de variatzione de bilàntziu sunt definidas dae s'artìculu 175 tzitadu, comma 2, de su TUEL;

Premìtidu in prus chi

- Cun deliberatzione n. 10 de su 14.04.2020 su Consìgiu comunale at aprovalu su bilàntziu de previsionione pro su triènniu 2020-2022 cun sos allegados relativos;
- Cun deliberatzione n. 9 de su 15.04.2020 su Consìgiu comunale at aprovalu su DUP – Documentu Ùnicu de Programmatzione – pro su triènniu 2020-2022;

Bidu su comma 4 de s'artìculu 175 TUEL tzitadu, chi a manera testuale rètzitat:

“In cunforma a s'artìculu 42 sas variatziones de bilàntziu podent èssere adotadas dae s'òrganu esecutivu in bia de urgèntzia motivada a manera oportuna, francu ratìfica, a pena de decadèntzia, dae parte de s'òrganu de consìgiu intro de sas sessanta dies sighentes e semper e cando intro de su 31 de nadale de s'annu cumentzadu si a tale data non siat iscadidu su tèrmine in antis naradu”.

Bida sa deliberatzione de sa Giunta comunale n. 44 de su 25.11.2020 cun sa cale est istada adotada variatzione de bilàntziu in bia de urgèntzia, essende istada reconnòschida sa motivatzione sighente:

- “Insertare una variatzione in parte intrada e in parte ispesa pro Fundu pro s'esertzìtziu de sas funtziones fundamentales, Fundu infrastruturas sotziales, Fundu de sustennu a sas atividades econòmicas, artesanales e cummertziales;
- Adeguamentu in parte intrada e in parte ispesa de fundos regionales e natzionales;
- Variatziones in parte ispesa de boghes de bilàntziu de s'Ufìtziu Tècnicu.

Dadu atu chi su responsàbile de su Setore Finanziàriu at redatzionadu sa proposta de variatzione a su bilàntziu suta ispetzificada segundu sos indicos frunidos dae sos Responsàbiles de sos Setores;

Dadu atu chi est istadu predispostu su prospetu prevididu dae s'allegadu 8/1 segundu s'artìculu 10,

comma 4, de su decretu legislativu n. 118/2011, e modificas imbenientes, Allegadu B – variazione de su bilàntziu chi marcat sos datos de interessu de su Tesoreri;

Bidu su Regulamentu de Contabilidade in vigèntzia;

Dadu atu chi subra de su provedimentu presente su Revisore de sos contos at dadu parre favorèvole in data 25.11.2020;

Achisidu su parre favorèvole allegadu a su provedimentu presente, de su Responsàbile de su Setore Finanziàriu prima art. 49 e 147 – bis de su D.Lgs n. 267/2000;

Achisidos in prus su vistu de su Responsàbile de su Protzedimentu chi at propostu su provedimentu presente, e puru su parre de legitimidade de su Segretàriu generale, prima art. 97, comma 4, lit. d) de su D.Lgs n. 267/2000;

Cun votazione, de acordu e crara pro artziada de manu;

DELÌBERAT

- 1) De approvare sa proposta de variazione a su bilàntziu rapresentada suta, redatzionada segundu sos indicos de sos Responsàbiles de sos Setores e de su Responsàbile de su Setore Finanziàriu;

INTRADA			Importu	Importu
Variatziões crèschida	in	CO	€ 37.071,00	
		CA	€ 37.071,00	
Variatziões minimada	in	CO		€ 19.405,00
		CA		€ 19.405,00
ISPESA			Importu	Importu
Variatziões crèschida	in	CO		€ 61.887,37
		CA		€ 61.887,37
Variatziões minimada	in	CO	€ 44.221,46	
		CA	€ 44.221,46	
TOTALE PARÈGIU	A	CO	€ 17.665,91	€ 17.665,91
		CA	€ 17.665,91	€ 17.665,91

- 1) De dare atu chi benint a manera cunsighente variadu su bilàntziu de previsione 2020-2022 e sos allegados relativos, aprovados cun deliberatzione de su Consìgiu comunale n. 10 de su

14.04.2020;

- 2) De dare atu chi benit a manera cunsighente variadu su DUP – Documentu Ùnicu de Programmazione – pro su triènniu 2020-2022;
- 3) De dare atu chi pro efetu de sas variatziones subra espostas, sas intradas complessivas creschent de €17.665,91 sas ispesas complessivas creschent a manera corrispondente de € 17.665,91;
- 4) De dare atu chi sas variatziones de bilàntziu segundu sa deliberatzione presente garantint su permanere de sos echilìbrios de bilàntziu e sunt coerentes cun su cunsighimentu de su saldu de cumpetèntzia finale segundu s'artìculu 1, commas 707-734 de sa lege 28 de nadale de su 2015, n. 208;
- 5) De dare atu chi est istadu predispostu su prospetù prevìdidu dae s'allegadu 8/1 segundu s'artìculu 10, comma 4, de su decretu legislativu n. 118/2011, e modìficas imbenientes, Allegadu B – variatzione de su bilàntziu chi marcat sos datos de interessu de su Tesoreri;

Duncas in su tempus in fatu,

cun votazione separada sa deliberatzione presente benit declarada esecutàbile a manera immediata in cunforma a s'artìculu 134 comma 4 de su TUEL.

IN ÒRDINE A SA REGULARIDADE TÈCNICA si esprimìt parre Favorèvole

Su Responsàbile De Servìtziu
F.du Antonello Masala

IN ÒRDINE A SA REGULARIDADE CONTÀBILE si esprimìt parre Favorèvole

Su Responsàbile De Servìtziu
F.du Antonello Masala

SU PRESIDENTE
F.du Antonello Masala

SU SEGRETÀRIU COMUNALE
F.du Silvia Sonnu

Tzertìfìco chi còpia cunforme de su verbale presente benit publicada dae su _____ pro 15 die s a fila in su situ istituzionale de custu Comune cun progressivu de publicatzione n. 0, atzessibile a su pùblicu (Art. 124 de su T.U.E.EL. e art. 32, comma 1, de sa lege 18 de làmpadas de su 2009, n. 69).

SU
F.du

Sa deliberatzione presente est divènnida esecutiva:

X Pro declaratzione de esecutabilidade immediata (Art. 134, comma 4, de su T.U.E.L.).

Pro decursu de sas deghe dies dae sa publicatzione (Art. 134, comma 3, de su T.U.E.L.).

Monteleone, 07.11.2020

Su Responsàbile de sa Publicatzione
F.du

Traduzione de s'operadora de s'isportellu linguìsticu de Monteleone
Maria Leonarda Correddu